

KERATAN AKHBAR



AKHBAR	:	SINAR HARIAN
TARIKH	:	25/1/2017
JABATAN	:	JPS / BANJIR
KLASIFIKASI	:	PERHATIAN

Sabak Bernam dilanda banjir

Penduduk anggap hujan berterusan luar biasa, terburuk dalam tempoh 50 tahun

SABAKBERNAM - Penduduk sekitar daerah ini menyifatkan hujan berterusan lebih 24 jam sejak kelmarin sehingga menyebabkan banjir kilat sebagai luar biasa dan terburuk pernah berlaku dalam tempoh lebih 50 tahun.

Warga emas, Naimah Bahari, 62, berkata, kali terakhir banjir melanda kediamannya di Sungai Besar di sini, adalah ketika dia berusia lapan tahun dan ini merupakan kali kedua rumahnya dinaiki air.

"Tak sangka kali ini makcik terpaksa pindah ke pusat pemindahan. Sebelum ini kalau banjir sebesar mana pun, kawasan rumah makcik masih selamat diduduki.

Makcik terpaksa minta tolong jiran untuk angkat barang elektronik ke tempat lebih selamat," katanya.

Naimah menatap bersemdirian di rumahnya selepas kematian suami lebih 14 tahun lalu dan dia menganggap banjir kali ini sebagai pelek terutama tiada sebarang laporan mengenai kemungkinan bencana alam itu bakal melanda.



Keadaan banjir kilat dianggap terburuk dalam tempoh 50 tahun.



Sebahagian premis perniagaan di Pekan Sungai Besar turut terjejas akibat hujan lebat, petang kelmarin.

Orang kurang upaya (OKU), Noraznil Mohd Basri, 49, yang menetap di Kampung Parit 1 Timur, Sungai Besar, memberitahu,

dia tidak pernah diarahkan berpindah sebelum ini.

"Pagi tadi (semalam) kami terpaksa berkemas dan pindah. Ini pengalaman pertama saya berada di pusat pemindahan dan mungkin saya bersama isteri dan dua anak

kami akan bermalam di sini," katanya.

Seorang lagi penduduk ditemuui, Ahmad Shamsi Seri, 62, berkata, selain kediamannya, terdapat tiga kediaman lain di Taman Seri 2, Sungai Besar terjejas akibat banjir kilat, kelmarin.

"Rumah kami senang dimasuki air sebab longkang belakang tak diselenggara. Inilah masalah yang se-

ring kami hadapi setiap kali hujan sejak lapan tahun lalu," katanya.

Sementara itu, tinjauan Sinar Harian mendapati beberapa pemukiman di Sungai Besar terjejas akibat banjir kilat antaranya, Taman Perdana, Taman Padu Permai, Taman Seri, Kampung Nelayan dan Kampung Sungai Limau selain beberapa kampung di kawasan Sungai Air Tawar

seperti Parit Baru dan Parit Baroh.

Tinjauan di Sekinchan tertamannya di Pasir Panjang mendapati paras air naik di beberapa kediaman penduduk sementara keadaan di Politeknik Sultan Idris Shah (PSIS), Sungai Lang yang menempatkan 3,952 penuntut terkawal.

Pengarah PSIS, Norehan Md Sharif berkata, Seramai

1,058 penuntut menyewa di luar dan 432 penuntut sedang mengikuti latihan industri.

"Kami dapati pelajar yang menyewa rumah di kampung berhampiran terjejas apabila rumah sewa mereka ditenggelami banjir. Setakat ini seramai 300 penuntut telah dipindahkan ke asrama untuk memudahkan kawalan keselamatan serta makan minum," katanya.